

# Сунъгъврн кампаньд бӑрсн диилврӑн алдхмн биш

СССР-н Деед Советд сунъгъврн кеджӑх саамд эдн эврӑннь арвн гъврт белдвр кеджӑх саамд района партийн организац ик гидг олт-дундин политическ кӧдлмш кев.

Улгӑрнь, совхозмудт, колхозд болн МТС-т 11 агитколлектив кӧдлв, терӑнд 296 агитатормуд бӑӑв. 296 агитатормудас 51—селӑнӑ эдл-ахун специалистир, 46—сургулини багшнр, 15—эмчнр, нань чигн улс. Агитатормуд голлгч кӧдлмшӑн арвн ӧркс дунд, шишлнъ сунъгъврнрла кецхӑв.

Агитпунктсин болн агитколлективсин кӧдлмш нег улу Троицк селӑнд сӑӑнӑр кегдв. Эднӑ кӧдлмшиг партийн организац сӑӑнӑр гардджав. Агитатормудиг долан хонгт нег цуглулад, нег-негнӑннь дамшлт соньсӑддж медулгдджӑв, шинӑс ю кехин тускар заавр ӧггдджӑв.

Троицк селӑнӑ агитатормудин дамшлт цуг райогъяр тархагджав. Агитатормуд Покидов, Перехода, нань чигн улс йир сӑӑнӑр кӧдлджӑв. Эврӑннь арвн ӧрк болгӑнд сунъгъврн шугъу, сӑв-селвгин стол эдн бӑрдӑв. Сунъгъврт белдвр

оркин сунъгъврнрла 12-15 дакдж харгъдж, кӑр-кӑуӑндвр кецхӑв.

Эн агитпунктд цаг-цаглагъан тасрхан уга олт зӑсн тӧрӧр лекцс болн докладмуд умшгджав, улгӑрнь, „Нарт делкӑн бӑӑдлин туск“, „Советск сунъгъврн систем—делкӑд кань уга демократическ систем“ гисн, нань чигн кесг тӧрӧр. Гражданск болн Тӧрскнӑ дӑӑнд орлчачнрла харгълда, багъ наста сунъгъврннрн нӑр-наадна асхн, сунъгъврннрн амрлгъна асхн бӑрдӑгдджӑв.

Наадк агитпунктс чигн ик кӧдлмш кецхӑв. Тасрхан сӑӑнӑр кӧдлчхӑсн агитатормуднъ: Бюрчиев П. болн Гаряева С. (Целинн поселкин), Хахаров Н. болн Манджиев Д. („Прудовый“ совхоз), Гончарова („Балковский“ совхоз), нань чигн агитатормуд.

Сунъгъврт белдвр кеджӑсн саамд цуг райогъяр 128 лекц болн докладмуд, 240 гар кӑр-кӑуӑндвр, 1967 газет-дектр умшддж ӧглгън, багъ наста сунъгъврннрн 18 нӑр-наадна асхн, 31 концерт, нӑр-джиргъл, нань

чигн олт-зӑсн кегр-уулдвр кегдв.

Олт-дундин политическ болн цӑӑлгъврн кӧдлмш сӑӑнӑр кегдснӑ ашдн, олт-ӑмтнӑ куч-кӧлснӑ болн политическ шумгъань зӑвр ӧдлв.

СССР-н Деед Советд сунъгългъ уктдж, бийдӑн ӧдӑн даалгъвр авцхасн куч-кӧлсчнр даалгъврн болзглагъан куцӑ-цхӑв.

„Западный“ болн „Прудовый“ совхозмудин куч-кӧлсчнр хаврин тӑрӑнӑ кӧдлмшт кертӑ техникан мартин 15 кӑртл ясдж дуоснавдн гисн даалгъврн мартин 10-д куцӑв. „Троицкий“ совхозин ах хӧбчнр Эрдниев болн Батыров 100 хӧн болгънас 120 хургъ авнавдн гидж даалгъвр авцхагъад, тер угӑн 128 хургъ кӑргдж куцӑ-цхӑв. „Родина“ колхозин ах хӧбч Цонхлаев И.—130 хургъ ӧгв. „Троицкий“ совхозин трактористир А. Гончаров болн Г. Алехин 1957 джил сӑӑнӑр кӧдлчхӑсндн селӑнӑ эдл-ахун Министертвӑс „Селӑнӑ эдл-ахунсоциалистическ дӧрдӑнӑ отличник“ гидг темдгӑр ачлгдв.

Куч-кӧлсчнрин политическ шумгъа ӧсджӑхн мартин 16-д болсн сунъгъврт дуугъан ӧглгънӑ аш ил медулв. „Западный“ болн „Прудовый“ совхозмуд ӧрӑн 10 час кӑртл ком-

мунистрин болн паргийн биш улсин хамцлгин кандидатнрин тӧлӑ 100 процент дуугъан ӧгцхӑв. Цуг райогъяр болхла 14 час кӑртл 99,6 процент дуугъан ӧгцхӑв. Партьдан болн правительствдӑн советск олт-ӑмтн лавтагъяр итклӑн ӧгчӑхиг эн медуллгън мӧн.

Сунъгъврннрн участкд тӑрулж ирӑд, дуугъан ӧгчӑсн зун наста Евдокимова Ульяна Семеновна, 95 сунъгъврнр дотр келв: „Урднъ, Октябрьск револлоц болхин ӧмн, манас, эгл улсас, кениг государствн толгъачд тӑвхиг сурдг уга билӑ. Хаадуд манас сурлдан угагъяр, государств залдг билӑ. Ода болхла оньглан. Мана государствн гардачнр олт-ӑмтнӑ дурар сунъгъгдн. Социалистическ Тӧрскнӑннь эрки урдннн тӧлӑ, Партин тӧлӑ би ик байртагъяр дуугъан ӧгчӑнӑв. Би ода чигн эрӑл-менд бӑӑх санатав“.

Турулж дуугъан ӧгцхӑхӧр 104-тӑ Скорнякова А. С. („Прудовый“ совхоз), 18 нас орсн Нюрлев Б. И. („Западный“ совхоз), 80 наста Сангаджиев Басан („Западный“ совхоз), 1940 джил тӧрсн Бюрчиева В. Т. („Троицкий“ совхоз)—куч-кӧлсчнрин политическ шумгъа ӧсджӑхиг ирцгӑлгън ил медулджӑнӑ.

Олт-дундин политическ кӧдлмшин диилврмудиг сулдхл уга, цааранднъ батлх—партийн организацсин ӧмн бӑӑх ик чиртӑ тӧр.

Сунъгъврн кампань чилхӑс урд КПСС-н Целинн райком, цааранднъ берк чиртӑ политическ болн эдл-ахун кампань-сиг цаглань сӑӑнӑр куцӑджӑхин тӧлӑ шишлнъ кегр-уулдвр белдв. КПСС-н райкомин бюрод сунъгъврн кампаньӑ бӑрсн партийн организацсин олт-дундин политическ кӧдлмшин диилврмудиг батлхин туск тӧр тӑвдж хӑлӑгдхмн. Агитатормудин семинар, лектормудин совещань, эрсин газетсин релатормудин совещань кегдхмн. Фермсӑр болн бригадсар агитатормуд илгӑгдджӑнӑ. Агитпунктсин заведующнрлӑ болн агитколлективслӑ совещань кехӑр темдлгдджӑнӑ.

Ӧдгӑ цагт, урднъ кӧдлджӑсн агитпунктсиг болн агитколлективсиг кӧдлмшинъ зогсал уга, улм шумгъагъяр кӧдлгӑд, нег-негнӑннь дамшлтиг тархагъад, кӧдлмшинъ чанъ-гъах кертӑ.

Н. КУЛЬЧЕНКО.

КПСС-н Целинн райкомин пропагандин болн агитационнн отделин заведующ.